

INUIT ATAQATIGIIT

INATSISARTUNI



UPA16/103
25. april 2016
Peter Olsen

Aktiaateqarluni piginneqataassuteqarlunilu ingerlatseqatigiiffiit pillugit inatsisip (ingerlatseqatigiiffiit pillugit inatsisip) atuutilernissaa pillugu Kalaallit Nunaannut peqqusummut oqaaseqaatissamut Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Oqaluuserisassaq qulaani pineqartoq pillugu matumuuna Inuit Ataqatigiinniit imatut oqaaseqaateqassaavut:

Una suliassaq Inuit Ataqatigiit, Demokraatit aammalu Kattusseqatigiit naalakkersuisooqatigiinnerisa nalaannili 2013-mi suliakkiunneqarnikuusimavoq.

Piginneqatigiiffiit pillugit inatsit ullumikkut atuuttoq ullumikkumut naleqqukkunnaarsimanera suliakkiussisimanermut tunngaviusimalluni.

Nunatsinni inuussutissarsiornikkut ineriertortitsinerup sukkanersumik ajornannginnerusumillu ineriertortinnejarsinnaalernissaa piginneqatigiiffiit pillugit inatsisip nutarterneratigut aqqutissiuukkusunneqarpoq.

Nunatsinni inuussutissarsiornikkut ineriertortitseqqissagutta pisariaqarluinnarpooq nunatta avataaneersunik suleqateqarnissarput; taamaaliunngikkuttami anguniagassatta anguniarnissaa ajornakusoorluinnaqqissaarsinnaavoq.

Nunarpassuarnik niueqateqarlatalu suleqateqalernikuuvugut soorlu; EU, Amerika, Asien-lu.

Piginneqatigiiffiit pillugit inatsit ullumikkut atuuttoq suleqatitsinnut nunatta avataaneersut piginneqatigiiffiit pillugit inatsisaannut naleqquppallaarunnaarsimavoq.

Inatsisissap nutaap pilersinneratigut siunertaavoq aporfiiit suulluunniit aporfiusinnaasut piaarneqarnissaat, piginneqatigiiffimmillu aallartitsiniarluni piumasaqataasut sakkukillisarneqarnissaat.

Inuussutissarsiornermut inatsisip nutarternerata kinguneranik, digitaliusumik nalunaarsueriaaseqalernissaq nunatsinni ammaanneqassaaq, taamaaliornikkullu allaffissoriaatsikkut oqilisaasoqassaaq kingunerissallugu ineriertortitsinissamut nukinnik nutaanik pilersitsinissaq.

Naatsumik oqaatigalugu inatsisissaq saqqummiunneqartoq nutaaq nutarterinerullunilu ullumikkumut naleqqussaanerusoq, Inuit Ataqatigiinniit paasilluarparput tapersorsorparpullu.

Inuit Ataqatigiinniit maluginiarparput piginneqatigiiffimmik anpartselskabemik pilersitsiniaraanni 125.000,-nik aallarniuteqatarneq 50.000,-iinnarnut appartinnejarsimasoq. Aktieselskabimik pilersitsiniarnermi 500.000,-nik aallarniuteqatarneq allangortinnejangilaq, aallarnisaasutulli (iværksætterselskab) selskabimik pilersitsiniaraanni taamaallaat 1kr-mik aallarniuteqarsinnaanera maluginiakkatta aamma ilagaat.

Oqilsaanerinnaanngilarli IA-miit maluginiarparput piginneqatigiiffiit nalunaarsuisarnerat, naatsersuutinik saqqummiisarnerat il.il. sukateriffingineqarsimapput, ilaatigullu danskit nunallu

allat periuserisartagaannut naleqqussaasoqarsimavoq, ammanerusumik ersarinnerusumillu piginneqatigiiffiup ingerlanneqarnissaa siunertaalluni.

Maluginiakkatta aamma ilagaat tassa ullumikkut piginneqatigiiffiup suulluunniit siulersuisui allangoraangata, naatsersuutilluunniit saqqummeraangata AG-kkut saqqummiunneqartarnerat massakkut taamaakkunnaartinneqarnissaa siunertarineqalersimasoq. AG-kkut saqqummertarunnaarlutik Erhverstyrelsinnngooq qarasaasiaqarfatiqut taamaallaat saqqummiussisoqartalernissaa siunniunneqarpoq.

Piginneqatigiiffiit taamatut AG-kkut nalunaaruteqartarnerat kikkunnit tamanik soqutigineqarluni malinnaaffigineqartartoq nalunngilarput. Taamatuttaaq nalunngilarput kikkut tamarmik qarasaasiaqanngitsut taamaattumik tassunakkut malinnaanissaminnut periarfissaqaqanngitsut.

Taamaattumik IA-miit taamaattariaqarnersoq apeqqusilaarpaarput.

Taamaattoq maluginiakkatta aamma ilagaat tusarniaavigineqarsimasunit amerlanerpaartaaniit inatsisisstatut siunnersuut tigulluarneqarsimasoq.

Tamanna Inuit Ataqatigiinnit nuannaarutigaarput.

Taamaattumik....

Aktiaateqarluni piginneqataassuteqarlunilu ingerlatseqatigiiffiit pillugit inatsisip atuutilernissaa pillugu Kalaallit Nunaannut peqqusummut Naalakkersuisut oqaaseqaatissamut siunnersuutaat Inuit Ataqatigiinnit tigulluarparput akuersaarparpullu, taamaattoq aappassaaniinginnerani ataatsimiisitaliamut ingerlateqqinnejarnissaa Inuit Ataqatigiinnit kissaatigaarput, peqqissaartumik sukumiisumillu suliareqqinnejarnissaa siunertaralugu.

Qujanaq

Peter Olsen